



Zavod za specijalno obrazovanje i odgoj djece Mjedenica
Mjedenica 34, Sarajevo 71 000, Bosna i Hercegovina
Institution for special children education Mjedenica
Mjedenica 34, Sarajevo 71 000, Bosnia and Herzegovina

Broj: 01-940-09/21

Datum: 06.09.2021. godine

Na osnovu člana 69. stav (1) tačka b) i stav (2) tačka d) Zakona o javnim nabavkama ("Službeni glasnik BiH" broj 39/14) i Zapisnika o pregledu i ocjeni ponuda br. 01-940-09/21 od 03.09.2021. godine u kom je data i preporuka komisije za poništenje postupka nabavke, u postupku nabavke **prehrambenih proizvoda, LOT1 - Pekarski proizvodi**, direktor J.U. Zavoda za specijalno obrazovanje i odgoj djece Mjedenica donio je:

ODLUKU

O PONIŠTENJU POSTUPKA NABAVKE PREHRAMBENIH PROIZVODA, LOT1 - PEKARSKI PROIZVODI

Član 1.

Poništava se postupak nabavke prehrambenih proizvoda, za **LOT 1 - PEKARSKI PROIZVODI**, za koji je na portalu nabavki objavljeno obavještenje o nabavci br. 178-1-1-1-3-1/21 dana 12.08.2021. godine, jer u postupku nabavke nije dostavljena nijedna prihvatljiva ponuda. Pravni osnov za poništenje postupka je član 69. stav (2) tačka d) Zakona o javnim nabavkama, kojim je propisano da je ugovorni organ obavezan da poništi postupak javne nabavke u slučaju da nijedna od primljenih ponuda nije prihvatljiva.

Član 2.

Ova odluka se, shodno članu 71. stav (2) Zakona o javnim nabavkama, dostavlja ponuđaču koji je dostavio ponudu u ovom postupku javne nabavke, zajedno sa kopijom zapisnika o ocjeni ponuda.

Član 3.

Ova odluka će se objaviti na web-stranici ugovornog organa (<https://zavodmjedenica.ba/javne-nabavke/>) istovremeno s upućivanjem ponuđaču koji je učestvovao u predmetnom postupku javne nabavke, a u svemu prema članu 70. stav (6) Zakona o javnim nabavkama.

Obrazloženje

Ugovorni organ je objavio obavještenje o pokretanju otvorenog postupka nabavke za nabavku prehrambenih proizvoda, LOT 1 - Pekarski proizvodi, na Portalu javnih nabavki pod brojem: 178-1-1-3-1/21, dana 12.08.2021. godine, te sažetak obavještenja o nabavci u Službenom glasniku BiH, u broju 52/21.

Do isteka krajnjeg roka za dostavu ponuda blagovremeno je zaprimljena jedna ponuda, ponuda ponuđača „MBA-CENTAR” doo Sarajevo. Nije bilo neblagovremeno dostavljenih ponuda.

Nakon javnog otvaranja ponuda, komisija je pristupila pregledanju i ocjeni dostavljenih ponuda, te je utvrđeno da ponuda ponuđača „MBA-CENTAR” doo Sarajevo ne ispunjava sve uslove i zahtjeve iz tenderske dokumentacije, te je ponuda odbijena kao neprihvatljiva ponuda.

Konkretno, Ponuđač je za stavku 8. Makaroni sa jajima 400 gr u Aneksu 2 – Obrazac za cijenu ponude u rubriku jedinična cijena bez PDV-a upisao 0,00 KM, te je i za ukupnu cijenu bez PDV-a za ovu stavku upisao da cijena iznosi 0,00 KM.

Tačkom 28. Tenderske dokumentacije je propisano: „*Ukoliko Obrazac za cijenu ponude sadrži više stavki, ponuđač je dužan dati ponudu za sve stavke, vodeći pri tome računa da cijena niti jedne stavke u obrascu ne može biti 0,00 (nula), niti smije ostati bez upisane jedinične cijene.*“ Takođe je tačkom 28. Tenderske dokumentacije propisano: „*U slučaju da ponuđač propusti popuniti Obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.*“

Što se zakonskih odredbi tiče, članom 2. stav (1) tačka 1) Zakona o javnim nabavkama propisano je da ponuda ponuda može biti:

- 1) prihvatljiva – ako ispunjava sve uslove koji se traže tenderskom dokumentacijom,
- 2) neprihvatljiva – ako ne ispunjava uslove koji se traže tenderskom dokumentacijom.

Članom 57. stav (1) Zakona o javnim nabavkama je propisano da se ponuđač u postupku javne nabavke pridržava zahtjeva i uslova iz tenderske dokumentacije.

Članom 68. stav (4) tačka i) Zakona o javnim nabavkama propisano je da ugovorni organ obavezno odbacuje ponudu koja nije potpuna i ne ispunjava sve zahtjeve iz tenderske dokumentacije.

Slijedom nevednih odredbi tenderske dokumentacije i zakonskih propisa, i s obzirom da ponuda ponuđača ne ispunjava sve zahtjeve iz tenderske dokumentacije (cijena, prema tački 28. Tenderske dokumentacije, niti jedne stavke nije smjela biti 0,00 KM, dok je Ponuđač za stavku 8. ponudio jediničnu cijenu bez PDV-a po cijeni od 0,00 KM), ponuda ponuđača “MBA-CENTAR” doo Sarajevo odbacuje se kao **neprihvatljiva**.

Budući da u postupku nabavke nije dostavljena niti jedna prihvatljiva ponuda, postupak nabavke se poništava, a prema članu 69. stav (2) tačka d) Zakona o javnim nabavkama, kojim je propisano da je ugovorni organ obavezan da poništi postupak javne nabavke u slučaju da nijedna od primljenih ponuda nije prihvatljiva.

S obzirom na sve navedeno, odlučeno je kao u dispozitivu ove odluke.

POUKA O PRAVNOM LIJEKU: Protiv ove odluke može se izjaviti žalba u roku od 10 (deset) dana od dana prijema ove odluke Uredu za razmatranje žalbi putem ugovornog organa, a u svemu prema članu 99, 101. i 107. Zakona o javnim nabavkama.

Dostavljeno:

1. „MBA-CENTAR” doo Sarajevo,
2. a/a.

The seal is circular with the text "Bosna i Hercegovina" at the top, "AGENCIJA ZA JAVNE NABAVKE" around the perimeter, and "M.P." in the center. A smaller emblem is visible in the middle of the seal.

DIREKTOR
Mirsada Čakal
dr Mirsada Čakal